



Pranim / Dorëzuar Prenje / Prilaz Received / Delivery	16.06.2023	3	viti god Year
Organ / Shërbimi Organ / Jedinstvo Org. / Unit	Nr. Prot. Br. Prot. Prot. No	Shtesa Prilog Appendix	Sasia Kolicina Quantity
SEPM/SH/01/4820/2023			1/3



Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.711/2023

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Eshref Shabani-Kryetar, Arben Mehmeti dhe Ardita Haxhnikaj-Demi -anëtarë, me Çlirim Zeka Zyrtar i Lartë për Bashkëpunim Profesional në cilësinë e procesmbajtësit, sipas ankesës me numër A.nr.711/2023 të datës 05.05.2023 të parashtruar nga ankuesi kundër vendimit me numër 01 Nr.070/01-16811 të datës 20.04.2023 të Komisionit të ankesave për nëpunësit e shërbimit publik në Komunën e Drenasit në çështjen juridike “Kërkesë nga Marrëdhënia e Punës”, duke vepruar në pajtim me nenin 6 paragrafin 1 nën paragrafin 1.1, nenin 16 paragrafi 3 dhe nenin 18 paragrafin 1 nën paragrafin 1.8 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur më datën 16.06.2023, mori këtë:

V E N D I M

Këshilli i Pavarur Mbikëqyrës për Shërbimin Civil të Kosovës, shpallet jo kompetent për të vendosur lidhur më ankesën A.nr.711/2023 të datës 05.05.2023, të parashtruar nga ankuesi

A r s y e t i m

Ankuesi më datë 03.05.2023 përmes postës ka parashtruar ankesë e cila në Këshill është protokolluar me numër 4071/2023 me datë 05.05.2023, në Këshillin e Pavarur Mbikëqyrës për Shërbimin Civil të Kosovës, kundër vendimit me numër 01 Nr.070/01-16811 të datës 20.04.2023 të Komisionit të ankesave për nëpunësit e shërbimit publik në Komunën e Drenasit.

Këshilli i Pavarur Mbikëqyrës për Shërbimin Civil të Kosovës bazuar në dispozitat e Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregullores Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, më datë 17.05.2023 përmes e-mailit ka dërguar kërkesën për përgjigje në ankesë tek Komuna e Drenasit, ndërsa Këshilli më datë 19.05.2023 ka pranuar përgjigje në ankesë nga Komuna e Drenasit, me shkresat e bashkangjitura.

Kolegji për Shqyrtimin dhe Vendosjen e Ankesave ka administruar këto prova: Ankesën me nr. protokolli 4071/2023 të datës 05.05.2023 të parashtruar nga ankuesi në Këshillin e Pavarur Mbikëqyrës për Shërbim Civil të Kosovës; Vendim me numër 01 Nr.070/01-16811 i datës 20.04.2023 i Komisionit të ankesave për nëpunësit e shërbimit publik në Komunën e Drenasit; Vendim për regjistrimin e materialit jomedicinal në depon e QKMF-së me numër 139 i datës 30.12.2022; Vendim për regjistrimin e materialit jomedicinal në depon e QKMF-së me numër 139 i datës 30.12.2023; Ankesë me numër 31 e datës 16.01.2023; Deklaratë me numër 39 e datës 18.01.2023; Deklaratë me numër 38 e datës 18.01.2023; Raporti i një shkeljeje disiplinore të supozuar me numër 84 i datës 02.02.2023; Kërkesë për deklaratë me shkrim me numër 51 e datës 25.01.2023; Deklaratë nga R.S. me numër 52 e datës 25.01.2023; Plotësim deklarate nga R.S. i datës 23.02.2023; Vendim i Komisionit disiplinor Komuna e Drenasit me Nr.01-070/01-6726 i datës 13.03.2023; Fletëngarkimi i mallit me numër 3153/2022 i datës 22.12.2022; Fletëngarkimi i mallit me numër 3426/2023 i datës 31.01.2023; Fletëngarkimi i mallit me numër 3065/2022 i datës 01.12.2022; Vendim për emërimin e komisionit për tjetërsim të pasurisë jo financiare në QKMF, QPS dhe administratë komunale me Nr. 01.020-13662 i datës 10.03.2023; Raport për pranimin e furnizimit me letër për institucionet e Drenasit nga operatori ekonomik pa datë; Vendim për formimin e komisionit për vërtetimin e defekteve të automjetit me numër 989 i datës 06.10.2022; Pliko me numër R2898359 i datës 03.05.2023; Kërkesë për përgjigje në ankesë përmes e-mailit e datës 17.05.2023; Përgjigje në ankesë përmes e-mailit i datës 19.05.2023; Përgjigje në kërkesë e datës 19.05.2023; Kontratë pune për kohë të pacaktuar e R.S. me Nr. 120-27734 i datës 10.06.2014; Shkresë e dërguar në DMZP nga komuna e Drenasit;

Kolegji për Shqyrtimin dhe Vendosjen e Ankesave duke shqyrtuar provat e lëndës, konstatoi se Këshilli i Pavarur Mbikëqyrës për Shërbimin Civil i Kosovës, **nuk është kompetent** për të vendosur për ankesën A.nr.711/2023 të datës 05.05.2023, të parashtruar nga ankuesi **sepse:**

Bazuar në shkresat e lëndës kolegji për shqyrtimin dhe vendosjen e ankesave ka konstatuar se ankuesi është i punësuar në pozitën "*Zyrtar i pranimit të mallit në depo*" në Drejtorinë për Shëndetësi e Mirëqenie Sociale në komunën e Drenasit sipas kontratës së punës për kohë të pacaktuar me Nr. 120-27734 të datës 10.06.2014;

Bazuar në dispozitat e Ligjit Nr.06/L-114 për Zyrtarët Publikë përkatësisht me nenin 2 është përcaktuar se; 2.Zyrtarë publikë janë: 2.1. nëpunësi i Shërbimit Civil (në tekstin në vijim: nëpunësi civil); 2.2. nëpunësi i Shërbimit Publik; 2.3. nëpunësi i Kabinetit; dhe 2.4. nëpunësi administrativ dhe mbështetës.... 6. Nëpunës administrativo-teknik - dhe mbështetës është zyrtari publik, që kryen veprimtari ndihmëse, të mirëmbajtjes, ruajtjes, vozitjes, si dhe veprimtari të tjera të ngjashme në institucionet e administratës publike. Ndërsa në nenin 2 paragrafi 4 po të këtij ligji është përcaktuar se : Nëpunës i Shërbimit Publik - është personeli i nivelit të lartë drejtues, drejtues, profesional dhe i shërbimeve të brendshme në administratën e shërbimeve publike, pjesë e administratës shtetërore apo në administratën e shërbimeve publike, pjesë e një komune të cilët ofrojnë shërbime publike të drejtpërdrejta për qytetarët në fushën e arsimit, shëndetësisë, kulturës, artit si dhe shërbime tjera të ngjashme publike.

Kolegji për shqyrtimin dhe vendosjen e ankesave bazuar në shkresat e lëndës dhe bazuar në legjislacionin e lartcekur si më lartë konstatoi se pozita "*Zyrtar i pranimit të mallit në depo*" në Drejtorinë për Shëndetësi e Mirëqenie Sociale në komunën e Drenasit hynë në kategorinë e nëpunësve të Shërbimit Publik ,ndërsa në kuptim të nenit 101 paragrafi 2 të Kushtetues së



Republikës së Kosovës si dhe nenit 6 paragrafi 1 nën paragrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, Këshilli është kompetent që të shqyrtoj dhe të merr vendime vetëm për ankesat e nëpunësve civil dhe kandidatëve për praninë në Shërbimin Civil.

Kolegji për shqyrtimin dhe vendosjen e ankesave me faktin se konstaton jo kompetencën në këtë lëndë përkatësisht ankesë dhe ndërlidhur me procedurën e ushtrimit të mjeteve juridike në mbrojtje të të drejtave nga marrëdhënia e punës të nëpunësve të shërbimit publik ju referua Ligjit Nr.06/L-114 për Zyrtarët Publikë përkatësisht nenit 24 paragrafi 4, ku parashihet se: "Nëpunësi i Shërbimit Publik dhe nëpunësi administrativ dhe mbështetës kanë të drejtë të ankohen sipas këtij ligji të punëdhënësi dhe më pas mund të fillojë kontest administrativ në gjykatën kompetente" dhe nenit 74 të po të njëjtit ligji ku shprehimisht parashihet: "1.Zyrtari i shërbimit publik mund të ankohet te punëdhënësi kur pretendon se i janë shkelur të drejtat në marrëdhënien e punës. Të drejtën e ankimit e kanë dhe kandidatët në procedurën e konkurrimit.2.Ankimi paraqitet brenda pesëmbëdhjetë (15) ditëve nga njoftimi i vendimit. 3.Shqyrtimi i ankesave është në kompetencën e Komisionit të Ankesave. Komisioni i Ankesave krijohet: 3.1. në çdo administratë të institucionit të shërbimit publik; 3.2.në çdo ministri për administratën e njësisë të Shërbimit Publik në kompetencë të administratës shtetërore; dhe 3.3. në çdo komunë për nëpunësit e administratës së njësisë së shërbimit publik në kompetencë të komunës. 5.Ankesa shqyrtohet brenda pesëmbëdhjetë (15) ditëve nga paraqitja e saj. Ankuesi, nëse nuk është i kënaqur me vendimin e organit të ankimit apo në rast se nuk merrpërgjigje brenda afatit të përcaktuar në pajtim me paragrafin 4 të këtij neni, në afatin vijues prej pesëmbëdhjetë (15) ditëve, mund të iniciojë kontest pune në gjykatën kompetente".

Ankuesi bazuar në vendimin me numër 01.Nr.070/01-16811 të Komisionit të ankesave për nëpunësit e shërbimit publik të komunës së Drenasit të datës 20.04.2023 ka qenë i njoftuar me Këshillës Juridike se kujt duhet ti drejtohet si palë e pakënaqur.

Andaj, pas analizimit dhe vlerësimit të të gjitha shkresave të lëndës si dhe duke u bazuar në nenin 18 paragrafi 1 nën paragrafi 1.8 të Ligjit Nr.06/L048 për Këshillin e Pavarur Mbikëqyrës për Shërbim Civil të Kosovës, Kolegji i Këshillit vendosi si në dispozitiv të këtij vendimi.

Këshillë juridike: Kundër vendimit të Këshillit, pala e pakënaqur mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh, nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS

Lënda,A.nr.711/2023

Çlirim Zeka

Procesmbajtës

Eshref Shabani

Kryetar i Kolegjit

Vendimi i dërgohet:

- Ankuesit
- Kryetarit të Komunës së Drenasit;
- Udhëheqësit të Njesisë së Burimeve Njerëzore në Komunën e Drenasit dhe
- Arkivit të KPMSHCK-së.